

平津館鑒藏記

附補遺
續編



序

平津館鑒藏書記三卷。洪明經頤煊。助予寫錄成帙。凡刊刻年代人名。前後序跋。收藏圖印。悉具於冊。余參藩東省。駐節安德。與江左一水相通。因擇要用書籍。攜載行笈。每年轉粟東歸。公事多暇。輒與同舍諸名士。校訂撰述。以銷永日。於家園藏書。纔十之四五耳。曩余游蘇杭。及官京師時。所見祕府及市肆舊本甚多。既不能購寫。及官外臺。歲秩優厚。又以地僻無所得。先後從翰林院存貯底本。及浙江文瀾閣。寫錄難得之書。或友人遠致古籍。酬以重值。頗有善本及祕府未收之本。阮撫院既補探四庫遺書。進呈乙覽。蒙御題宛委別藏以貯之。或從余寫錄世閒未有古書。以圖續進。念古今藏書家。率閱數十年一二世而散佚。獨范氏天一閣傳最久。亦未全備。伏讀天祿琳琅書目。知捐金藏珠之盛世。惟以稽古右文爲寶。監司不貢方物。無階附呈。異時擬以善本及難得本。彙請名大府進御。存其贖本。藏於家祠。不爲己有。庶永其傳。復恐後人無所稽核。故爲之目。又爲鑒藏書記以備考。至此外家藏舊版。尙有可觀。俟歸里後。續記爲後編。或疑其好古之僻。則非知我者。太歲戊辰四月七日。孫星衍撰於河西務舟次。

平津館鑒藏記書籍卷一

陽湖孫星衍撰

宋版

附釋音毛詩注疏二十卷。每卷又分卷數。首行大題下。俱有小黑蓋子。共七十卷。次行題鄺柏舟詁訓傳。

第四卷。凡標題俱據卷一。此本卷一。第三行題毛詩國風空二字。題鄭氏箋空二字。題孔穎達疏。每篇前。

俱載詩譜。詩序。凡詩俱連詩序寫。不另提行。前有孔穎達毛詩正義序。詩譜序。係後人鈔補。據岳珂九。

經沿革例云。唐石本。晉銅版本。舊新監本。蜀諸本。與他善本。止刊古注。建本。蜀中本。則附音於注文之。

下。此本附釋音。當出於南宋閩中所刻。每葉廿行。行十七字。小字行廿三字。有明正德補刻葉。收藏有。

裏史朱文方印。

儀禮十七卷。前後無序跋。十七篇止。載經文而無注。黑口板。每葉廿行。行廿字。內有補刻葉。板心上有閩。

何校三字。亦是南宋閩中所刻。末附儀禮旁通圖一卷。不題作者姓名。據天祿琳琅元刻本。是宋楊復。

撰。通志堂有重刊本。

附釋音禮記注疏六十三卷。題國子祭酒上護軍曲阜縣開國子臣孔穎達等撰。國子博士兼太子中允。

贈齊州刺史吳縣開國男臣陸德明釋文。前有禮記正義序。不題姓名。孔穎達序係後人鈔補。黑口版。

每葉廿行。行十七字。小字行廿三字。有明正德嘉靖時暨不注年代補刻葉。此本與故相國和珅翻刻宋本行款相同。惟彼本孔穎達序後有建安劉叔剛宅鋟梓木長印。此本原序已缺。無從攷證。收藏有孫潛之印。白文方印。

附釋音春秋左傳注疏六十卷。題孔穎達等。陸德明銜名。與禮記注疏本同。唯孔穎達等字下有奉勅二字。前有孔穎達春秋正義序。此與禮記注疏皆南宋閩中刊本。每葉廿行。行十七字。小字行廿三字。有明正德嘉靖年閒補刻葉。

監本附音春秋公羊注疏二十八卷。前何休序疏不在卷中。每卷某公俱與大題相連。每葉廿行。行十七字。小字行廿三字。亦有元明補刻葉。岳珂云。舊新監本不附釋音。此監本亦附音。當出於岳氏所見刊本之後。天祿琳琅宋本。卷首有景德二年六月中書門下牒文。此本無之。

監本附音春秋穀梁注疏二十卷。題范甯集解。楊士助疏。每卷某公亦與大題相連。前范甯序下。題國子四門助教楊士助撰。國子博士兼太子中允贈齊州刺史吳縣開國男陸德明釋文。序文標題。穀梁下多一傳字。每葉廿行。行十七字。小字行廿三字。亦有元明補刻葉。

孝經注疏九卷。前有孝經注疏序。低二格。有孝經講義小引。次題翰林侍講學士朝請大夫守國子祭酒上柱國賜紫金魚袋臣邢昺等奉勅校定。注疏序文前。題成都府學主鄉貢傅注奉右撰。每葉廿行。行十七字。小字行廿三字。此本亦南宋刊本。正德六年補刻。而殘缺過多。板心上不標年代者。僅數葉存。

矣。

釋名八卷。題劉熙字成國撰。前有劉熙釋名序。後題云。右釋名八卷。館閣書目云。漢徵士北海劉熙字成國撰。推揆事源釋號。致意精微。崇文總目云。熙卽物名以釋義。凡廿七日。臨安府陳道人書籍舖刊行。六十字。每葉廿行。行廿字。

纂圖互注老子道德經二卷。題河上公章句注釋。自體道至顯質。凡十一章。目錄分作四卷。前有葛玄道德經序。老氏聖紀圖。混元三寶圖。初真內觀靜定圖。金丹圖。卷中有重意。重言。互注。解曰者。俱非本注。用黑蓋子別之。黑口版。每葉廿二行。行廿一字。

纂圖互注南華真經十卷。題晉郭象子元注。唐陸德明音義。前有郭象南華真經序。莊子太極說。周子太極圖說。重意。重言。互注。俱用黑蓋子別出。黑口版。每葉廿二行。行廿一字。

沖虛至德真經八卷。次行題列子。張湛處度注。前有張湛列子序。沖虛真經目錄。題唐當塗縣丞殷敬順釋文。目錄後有劉向敘上列子奏。黑口板。每葉廿行。行廿一字。

纂圖互注荀子二十卷。題唐大理評事楊倞注。自勸學至堯問。三十二篇。前有元和十三年楊氏荀子序。荀子敲器圖。天子大路圖。龍旗九旂圖。重意。重言。互注。俱用黑蓋子別出。黑口版。每葉廿二行。行廿一字。

纂圖互注揚子法言十卷。題晉李軌唐柳宗元注。次行題聖宋宋咸。吳祕。司馬光重添注。前有宋咸重廣

注揚子法言并景祐四年宋咸進法言表司馬溫公注揚子序渾儀圖五聲十二律圖重意重言互注俱用黑蓋子別出黑口版每葉廿二行行廿一字宋咸序後有本宅今將監本四子纂圖互注附入重言重意精加校正並無譌謬膽作大字刑行務令學者得_下木長印

中說十卷題阮逸注前有阮逸文中子中說序文中子纂事一爲世系一爲年表黑口版每葉廿二行行廿一字自老子以下巾箱本六子皆南宋坊間所刻據法言序後木印集圖互注監本大字止有四子後改巾箱本又添入重言重意暨列子中說共爲六子天祿琳琅所藏纂圖互注本止有荀子南華真經兩種而此册六子猶全

纂圖互注荀子二十卷標題行數字數序文圖說俱與前巾箱本無異唯每版稍高一分子畫亦有減省之異當是南宋中重刊別本收藏有龜印白文方印大季氏朱文方印

纂圖互注南華真經十卷郭象子元注唐陸德明音義前圖已殘缺巾箱本互注等字俱用黑蓋子此本俱以重闌綫別之巾箱本音義本字用方綫此本多用黑蓋子此本當出於巾箱本之後黑口版每葉廿四行行廿六字收藏有書帶草堂朱文長印

劉子十卷目錄前題劉子新論梁通事舍人劉勰撰播州錄事參軍袁孝政注自清神至九流五十五篇巾箱本每葉廿二行行十八字左欄綫外上俱標篇名宋諱貞慎恆字俱缺筆字畫清勁是宋刻之佳者此書唐志作劉勰撰陳氏書錄解題晁氏讀書志俱據袁孝政序文作北齊劉勰撰此本無袁序而

題作劉勰。與唐志同。又目錄與卷一卷二字畫不同。是後人補刻。據盧氏羣書拾補所校道藏本。此本殘脫猶多。收藏有趙氏子昂朱文方印。揚州季氏藍文長印。滄葦藍文長印。振宜之印。藍文方印。季振宜藏書藍文小長方印。御史振宜之印。白文方印。良惠堂沈淪九川印。朱文長印。鑒定法書之印。朱文長方印。九川朱文方印。志雅齋朱文方印。沈文私印。白文長方印。字伯朱文方印。旅谿白文長印。旅谿草堂朱文方印。

疑龍經一卷。題唐國師楊筠松撰。疑龍三篇。後附疑龍十問。衛龍篇。變星篇。又補遺下有長木印記云。龍經一書。刊行久矣。今得贛本。於疑龍變星之外。又有斷制粹言及形穴所屬星象。議論尤爲詳備。併刊於後。云云。黑口版。每葉廿八行。行廿五字。

新編方輿勝覽七十卷。題建安祝穆和父編。前有嘉熙己亥呂午序。嘉熙己亥祝穆序。所述止南宋版圖。首載建置沿革。次事要。分十八子目。末四六聯句。皆備南京幕府酬應之用。黑口板。每葉小字廿八行。行廿八字。收藏有高臥樓白文方印。臣璐私印。朱文方印。半查朱文方印。叢書樓白文長方印。李氏寒香閣藏書記朱文方印。

本草衍義二十卷。題通直郎添差充收買藥材所辨驗藥材寇宗奭編撰。前有政和六年十二月二十八日付寇宗奭劄。後題宜和元年。月本宅鏤板印造。姪宣教郎知解州解縣丞寇約校勘。書本二十卷。目錄作十七卷。未知其故。黑口版。每葉廿四行。行廿一字。

東萊先生校正南史詳節二十五卷。題唐李延壽。前有南北國都地理圖。宋齊梁陳世系圖。巾箱本。黑口板。每葉廿八行。行廿四字。欄綫上有每事標題。又帝紀、列傳、俱記其名於欄綫之左。東萊呂氏本有十七史詳節。此特其一種耳。

通鑑紀事本末四十二卷。目錄一卷。題建安袁樞編。前有淳熙元年楊萬里敘。此書宋有二刻本。一刻於嚴陵。即萬里鈔本。一刻於寶祐。趙與憲以嚴陵版小。易爲大字。此即大字本也。而缺與憲鈔一篇。每葉廿二行。行十九字。

西山先生真文忠公文章正宗二十四卷。目錄一卷。前當有序文。此本已失。書分辭命、議論、敘事、詩賦四類。黑口板。每葉廿行。行廿一字。旁有句讀圈點。與天祿琳琅寬行大字宋本不同。洪頊煊曰三國志諸出師表云。自臣到漢中。中間莽年耳。然喪趙雲。陽羣。馬玉。關芝。丁立。白壽。劉郃。鄧銅等。學者疑趙雲此時尙存。不應有此言。及觀此書卷十一。載亮再出師表。喪字實作表字。始悟信本之譌。收藏有寶樹借觀朱文方印。

新刊唐陸宣公集二十二卷。目錄一卷。分制誥十卷。奏草六卷。中書奏議六卷。前有權德輿翰苑集序。本朝名臣進奏議劄子二篇。唐陸宣公像。據權序。制誥集十卷。奏草七卷。中書奏議七卷。此本奏草奏議各少一卷。與序所稱不同。陳氏書錄解題有翰苑集十卷。榜子集十二卷。翰苑集疑即制誥。榜子集疑即奏草。與中書奏議。然又別是一本。黑口板。板心俱題奏議。每葉廿行。行廿字。收藏有獲古堂印朱文。

朱文公校昌黎先生文集四十卷。題晦庵朱先生考異。留耕王先生音釋。目錄一卷。題李漢編集。前有朱文公韓文考異序。闕末寶慶三年王伯大序。闕首諸家姓氏。李漢序。汪季路書朱文公校集凡例。末有題識云。右凡例十二條。乃南劍官本所載。按朱文公校昌黎集。又著考異十卷。在正集之外。自爲一書。留耕王先生倅南劍時。并將考異附於正集本文之下。以便觀覽。又集諸家之善。更定音釋。猶未附入正集。仍於逐卷之左。空其下方。以待竄補。今本宅所刊。係將南劍州官本爲據。併音釋附正集焉。使觀者一目可盡。云云。此刻又當在寶慶後矣。末附遺文一卷。集傳一卷。黑口板。每葉廿六行。行廿三字。收藏有讀書樓白文長印。任奎之印。白文方印。

增廣注釋音辯唐柳先生集四十三卷。別集二卷。外集二卷。附錄一卷。題南城先生童宗說注釋。新安先生張敦頤音辯。雲間先生潘緯音義。前有夔州刺史劉禹錫序。柳先生年譜。據後本。當有陸之淵序文。疑此本脫去。別集。外集。附錄總目。既列在正集目錄之後。又別刻在當卷之首。殊爲重複。黑口版。每葉廿六行。行廿三字。收藏有季振宜藏書朱文小長方印。

增廣注釋音辯唐柳先生集四十三卷。題童宗說。張敦頤。潘緯。俱同前本。前有劉禹錫序。又有乾道三年陸之淵柳文音義序。卽爲潘緯作也。末附別集上下兩卷。已殘缺不全。黑口版。每葉廿六行。行廿三字。此本與前本行款毫髮無異。惟前本目錄後有別集。外集。附錄目錄。此本雖有別集。而無目錄。亦無別刻之葉。細審之。版式與前本差減一分。間有字畫減不減之異。又紙色頗不及前。故知其模刻當在後。

也。

元版

春秋啖趙二先生集傳纂例十卷。題陸淳纂。前有慶歷戊子朱臨序。春秋集傳辨疑凡例。每葉廿行。行廿字。孫退谷墨蹟題識云。延祐五年十一月。集賢學士曲出言。唐陸淳所著春秋纂例。辨疑。微旨三書。有益後學。請令江西行省。鈔梓以廣其傳。從之。此當日鈔本。余求之十年。始見之。云云。其爲前輩珍重如此。收藏有北平孫氏朱文方印。北平孫氏硯山齋圖書朱文方印。范士楫印白文方印。其生父白文方印。禹蹟朱文方印。敏求齋圖書印白文長印。靜遠齋藏書記朱文長印。匪棘堂朱文長印。果親王府圖籍朱文方印。又朱文長印。果親王點定朱文長印。

讀論語叢說三卷。題東陽許謙。前有至正七年張樞序。稱右白雲先生文懿許公所著讀書叢說六篇。先生之子元。與門人俞實叟等之所校讐。此本止論語三卷。四庫全書本又止大學一卷。中庸一卷。孟子二卷。或卽此書之缺。據張序稱。先生所著詩名物鈔八篇。四書叢說二十篇。讀書叢說六篇。元史本傳作廿卷者。非此書也。黑口板。每葉小字卅二行。行廿六字。

古樂府十卷。題豫章左克明編次。前有至正丙戌左克明序。稱其爲卷十。爲類八。冠以古歌謠詞。終以雜曲。每葉廿四行。行廿一字。收藏有海鹽姚叔祥藏白文方印。

古今韻會舉要三十卷。前有壬辰劉辰翁韻會序。丁酉熊忠序。李朮魯紳序。至順二年余謙題字。又有古

今韻會舉要凡例一卷。題昭武黃公紹直翁編輯。昭武熊忠子中舉要。禮部韻略七音三十六母通考一卷。黑口版。每葉廿二行。行廿三字。熊序稱同郡在軒先生黃公公紹。作古今韻會。僕惜其編帙浩瀚。隱屏以來。因取禮部韻略。增以毛劉二韻。及經傳當收未載之字。別爲韻會舉要一編。是舉要爲熊氏所撰。熊序後有坊刻陳寔告白木印云。寔昨承先師架閣黃公在軒先生。委刊古今韻會舉要。凡卅卷。李尤魯狃序亦稱。文宗皇帝御奎章閣。得昭武黃氏韻會舉要寫本。至順二年春。敕應奉翰林文字余謙校正。並以舉要爲黃氏原書。皆不考之過。

新增說文韻府羣玉二十卷。題晚學陰時夫勁弦編輯。新吳陰中夫復春編注。前有翰林滕賓序。至大庚戌江邨姚雲序。吳興趙孟頫題字。大德丁未陰竹埜序。陰復春自序。末題延祐改元甲寅幼達書。陰勁弦自序。末題時遇謹白。據千頃堂書目。時夫名時遇。中夫名幼達。時夫乃中夫之季。竹埜倦翁。又其伯叔也。黑口版。每葉廿二行。行小字廿九字。收藏有季振宜印。朱文方印。滄葦朱文方印。

呂氏春秋二十六卷。前有遂昌鄭元祐序。後有嘉興路儒學教授陳華至正下有闕字。吳興謝盛之刊一行。卽所謂元嘉本學宮本也。目錄後有鏡湖遺老記。稱此本從太清樓本校定。故視他本爲善。每葉廿行。行廿字。

夢谿筆談廿六卷。題沈括存中。前有括自序。書中國家詔書等字俱空一格。知從宋版翻雕。黑口版。每葉廿四行。行十八字。每條次行又低二字。收藏有陸爰子引朱文方印。陸字朱文小方印。陸陸子朱文長

印、東岡病室朱文方印、石塘居士朱文方印。

困學紀聞二十卷。題浚儀王應麟伯厚。卷二以下。前有甫字。前有泰定二年門人袁桷敘。至治二年牟應龍序。後有

牟應龍印。牟伯成父儒林世家。三木小方印。目錄前有深寧寔識語。後有伯厚甫、深寧居士、二木方印。

黑口版。每葉廿行。行十八字。此書後有泰定二年十二月癸卯廣元路儒學教授吳郡陸晉之敘。今

缺。

中吳紀聞六卷。題崑山龔明之。前有淳熙元年龔明之序。次目錄一卷。末有至正廿五年武寧盧熊記。卷

六石湖下八條。有目無書。明毛晉刊本。即從此本翻雕。黑口板。每葉廿二行。行廿一字。

金陵新志十五卷。前有甲申四月江南諸道行御史臺都事索元岱序。鈔錄修志文移。臺府提調官掾職

名。修志本末。題前奉元路學古書院山長張鉉輯。末有督刊姓氏。此即元至正四年刊本也。內亦有明

補刊葉。十八行。行十八字。

茅山志十五卷。題上清嗣宗師劉大彬造。自誥副墨。至金薤編。凡十二篇。小題俱與大題相連。前有泰定

甲子趙世延、泰定丁卯吳全節、天歷戊辰劉大彬三序。末卷後有金華道士錢塘西湖隱真庵開山何

道堅施梓十八字。據明道士張全恩刻本。有舊序稱。此志編於劉大彬。傳於趙孟頫。贊於虞集。書於張

伯雨。世稱四絕。此本疑即伯雨所書。洪頤煊曰。金薤編有編刻三葉。又有明淮南冀綺登茅山詩。皆後人所附。黑口版。每葉廿六行。行廿三

字。

新刊補注釋文黃帝內經素問十二卷。題啓元子次注。林億孫奇高保衡等奉勅校正。孫兆重改誤。前有啓元子王冰黃帝內經素問序。後題將仕郎守殿中丞孫兆重改誤。明史藝文志。孫兆素問注釋考誤十二卷。誤以孫兆爲明人。總目一卷。後題云。元本廿四卷。今併爲一十二卷刊行。總目目前有本堂今求到元豐孫校正家藏善本。重加訂正。分爲一十二卷。云云。木長印。總目後亦有木長印。字已滅去。卷十二後有至元己卯菖節古林書堂新刊十二字。木長印。洪頤煊曰。晁氏讀書志。陳氏書錄解題。此書廿四卷。四庫全書本亦廿四卷。皆與此本異。末附素問入式運氣論奧三卷。前有元符己卯朝散郎太醫學司業劉溫舒序。黃帝內經素問遺篇一卷。黑口版。每葉廿三行。行廿三字。

經史證類大觀本草三十一卷。題唐慎微纂。前有大觀二年十月朔通仕郎行杭州仁和縣尉管句學事艾晟序。卽陳氏書錄解題所見本也。然惟序文目錄卷一。題作經史證類大觀本草。卷二以下。大觀改。大全據艾序。又本名經史證類備急本草。艾序後本有大德壬寅孟春宗文書院刊行木印。爲書賈剗去。以充宋刻。又闕三十三一兩卷。黑口板。每葉廿四行。行廿字。收藏有全之朱文方印。狀元裔朱文方印。文璧印。白文方印。徵明朱方印。明榮祿大夫少保兵部尙書。印。印。印。節愍公書畫子孫保鬻及借人爲不孝。印。印。印。印。卅八字朱文大方印。

類證增注傷寒百問歌四卷。卷一爲傷寒解惑論。前有乾道癸巳湯尹才序。解惑論卽尹才所撰。未有淳熙壬寅韓玉跋。卷二以下。爲傷寒百問題。建寧府通守錢聞禮撰。前有至大己酉武夷詹清子子敬序。

此書爲曹仲立取湯錢兩書合刻。詹氏序而行之。黑口版。巾箱本。每葉廿二行。行廿一字。

新刊東垣先生

中下兩卷作東垣十書

蘭室祕藏三卷。題東垣老人李杲撰。目錄一卷。四庫全書本。前有至元丙子

羅天益序。此本無之。巾箱本。黑口板。每葉廿行。行十七字。

奇效良方六十五卷。

卷一。方下。有論字。

題奉政大夫太醫院院使吳興方賢纂集。修職郎太醫院御醫臨江楊文

翰較正。前後無序跋。明史藝文志。方賢奇效良方六十九卷。此本尙缺四卷。書中稱中書右丞相合刺

合孫。至元癸未。季春一日奉勅治之。賢乃元人。書中詔勅上命等字。俱提行寫。當爲元時所刊。黑口版。

每葉廿二行。行廿四字。

故唐律疏議三十卷。題太尉揚州都督監修國史上柱國趙國公長孫無忌等撰。前有目錄一卷。進律表

疏一卷。總目一葉。泰定四年柳贊序。泰定二年劉有慶序。唐律釋文序。不題撰人姓名。每卷後各附釋

文并圖。俱題奉訓大夫江西等處行中書省檢校官王元亮重編。末卷後有考亮書院學生余資編校

十字。柳贊序後有至順壬申五月印七字。劉唐律釋文序後有崇化余志安刊於勤有堂木長印。黑口

版。每葉廿四行。正文行廿一字。注行廿三字。嘉慶丁卯。余重雕於吳門。

南史八十卷。小題在上。大題在下。次行題李延壽三字。前後無序跋。末卷末葉板心下。題桐學儒生趙良

棗謹書。自起手至闕筆。凡十月。小字二行。宋史宗室世系表。商王房下有良棗。未知是此人否。然審其

模印紙色。宋諱俱不缺筆。當是元時所刻。每葉廿行。行廿字。收藏有史鑑之章。子孫保之。西史邨人。三

白文方印。果親王府圖書記朱文長印。

資治通鑑二百九十四卷。題朝散大夫右諫議大夫權御史中丞充理檢使上護軍紫金魚袋臣司馬光

奉敕編集。此據第一卷所題銜名。餘卷首銜名隨官改換。後學天台胡三省音注。前有元豐七年光進書表并獎諭詔書。元祐

元年下杭州鏤板銜名。紹興二年下紹興府餘姚縣印造銜名。皆宋刊資治通鑑原帙。袁桷清容集載

胡三省天台人。寶祐進士。賈相館之。釋通鑑三十年兵難。橐三失。乙酉歲留袁氏家塾。日手鈔注定。己

丑寇作。以書藏窖中。得免。三省通鑑本有自序。亦云乙酉撤編。乙酉為元世祖至元廿二年。溫公考異

本別行。此本散入於各條之下。據黃溥簡籍遺聞。稱是書刊於臨海。洪武初取其版藏南京國學。即此

本也。洪頤煊曰。此本模印。皆用明成化年間案牘廢紙。其紙背有和州之印。應天府經歷司印。江寧縣印。當塗縣印。建陽衛指揮使印。六安衛指揮使印。完全可辨。皆為版藏南京國學之證。黑

口版。每葉廿行。行廿字。

通鑑續編二十四卷。題陳樞二字。前有至正廿一年周伯琦序。末有太史氏。行中書。周氏伯溫。三木印。至

正十八年陳基序。末有陳基私印。陳氏敬初。二木印。至正廿二年張紳序。末有雲門山樵。山東張紳。士

行。二木印。至正十年陳樞自序。末有陳樞私印。陳氏子經。隆國世家。三木印。書記盤古至高辛為一卷。

契丹建國之始。五代為一卷。宋為廿二卷。黑口版。每葉十八行。行廿一字。收藏有弱侯朱文長印。

戰國策十卷。題縉雲鮑彪校注。東陽吳師道重校。前有戰國策劉向序。曾鞏序。紹興十七年鮑彪國策校

注序。泰定二年吳師道序。至正十五年陳祖仁序。稱浙西掾劉琰廷修刻梓學宮。末卷尾有平江路儒

學正徐昭文校勘十一字。黑口版。每葉廿二行。行廿字。

吳越春秋十卷。題後漢趙陟撰。前有徐天祐序。不題年月。稱陟書越舊嘗鈔梓。歲久不復存。汴梁劉侯來治越。校蒐遺文。重刻於學。不鄙諛聞。屬以考訂。既刊。正疑訛。復爲之音注。并考其與傳記同異者。附見於下。而互存之。末卷後有大德十年歲在丙午三月。音注。越六月。書成。刊版。十二月。畢工。廿四字。每葉十八行。行十七字。四庫全書元大德十年刻本。序文不著名姓。卷末有徐天祐、留堅、陳昺伯、梁相、劉克昌五人銜名。此本尾張缺半葉。無從攷證。未知別爲一本。抑卽此本。殘缺互異。不能明也。

吳越春秋十卷。題後漢趙陟撰。此卽徐天祐音注之本。前無序文。後無刻書年月。其模印紙色是元時所刻。大字板。每葉十八行。行十八字。版收藏有徵明白文小連珠印、綺黃朱文方印、仲夏世家白文方印。范文正公遺跡一冊。不分卷數。亦不著撰人姓氏。分山東、吳中、西夏、洛陽、公所至之處。各記其名勝碑記。雜文。并冠以圖。收藏有毗陵九松迂叟藏書記、朱文長印、周良金印、朱方文印、顧元慶印、白文方印。大有朱文方印、大石山人白文方印、吳郡顧元慶氏珍藏印、朱文方印。

增入諸儒杜氏通典詳節四十二卷。前有唐李翰序。新纂圖譜一卷。佑自序。題旨諸儒姓氏。自歐陽修至葉適。凡二十一人。綱目一卷。後有至元丙戌重新繡梓八字。不著撰人姓氏。今本通典。兵刑分爲二。此本兵附於刑之首。標題不別言兵。晁氏讀書志云。通典以食貨、選舉、職官、禮樂、刑法、州郡、邊防八門。分類敘載。足證宋本皆如此也。黑口版。每葉廿八行。行廿三字。收藏有濟之朱文長印、王時敏鑒賞書畫

記白文方印、啓南朱文方印。

新刊初學記三十卷。題光祿大夫行右散騎常侍集賢院學士副知院事東海郡開國公徐堅等奉勅撰。

前有紹興四年福唐劉本序。目錄一卷。末卷後有題云。初學記三十卷。宋後刻於麻沙。下尚有字。書據

此。則此本爲元時所刻。黑口版。每葉廿行。行廿字。洪頤煊曰。此本卷一引爾雅。疾雷爲霽。寧謐堂本。作

卷一百五十二。事類賦卷三。引爾雅。疾雷爲霽。及觀影。宋本北堂書鈔。元刻事類賦。皆作疾雷爲霽。此皆俗本妄改之失。臧氏琳經義雜記。反據以訂爾雅誤矣。

事類賦三十卷。題宋博士渤海吳淑撰。注。前有淑進注事類賦狀。紹興丙寅邊惇德序。末卷後有宋紹興

丙寅右迪功郎特差監潭州南嶽廟邊惇德。左儒林郎紹興府觀察推官主管文字陳綬。右從政郎充

浙東提舉茶鹽司幹辦公事李端民校勘銜名三行。此本爲元時依宋版翻刻。故紹興上冠以宋字。每

卷吳淑銜名後空一行。黑口板。每葉廿二行。行廿字。

新編古今事文類聚。前集六十卷。後集五十卷。續集二十八卷。別集二十二卷。題建安祝穆知父編。新集

三十六卷。外集十五卷。題南江富大用時可編。前有淳祐丙午祝穆序。每集前俱有目錄。外集引元官

制書中稱爲大元。富大用本元人。外集目錄後有泰定丙寅廬陵武溪書院新刊木長印。巾箱本。黑口

板。每葉廿六行。行廿四字。收藏有莊秀卿家藏圖籍私印朱文方印。子孫世享朱文方印。

玉海二百四卷。題浚儀王應麟伯厚甫。玉海本二百卷。末四卷爲詞學指南。前有至元四年戊寅東陽胡

助序。後有東陽胡助。古懋。兩木印。次至正十一年慶元路總管阿般圖序。至正辛卯王分序。中山李桓